





H. XIII. 8

Nova-Tacina. Liter. -

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decuder III.
3. Gymnasium Ethicum.
4. Irenicum sive de differentiis Religionum conciliandi
Comentatio.

D. O. M. A.

Holl. 40

GYMNASII ETHICI
EXERCITATIO V.

De

Justitia Universali

Quam

PRÆSIDE

HENRICO NICOLAI,

Phil. Profesf. Publ.

Placidæ ventilationi subjicit

JACOBUS TYDEUS,

Memelâ - Prusfus.

In Gymnasio Gedanensi.

Ad diem Septemb.

Horis locoq; destinatis.

DANTISCI,

Typis Viduæ GEORGII RHETII.

Anno M. DC. XLIX.

A.M.O.D.

John. Protest. 1901.

EXERCITATIO V.

De

Justitia Universalis.

Irtus directa *Universalis* & *particularis* est. Universalis, quæ in communi omnium virtutum objecto dirigit, *d. 4. t. 13.* Hæc *justitia universalis* est, in præsentiarum consideranda.

2. *Justitia* vox modò officium mortuis solvendum notat, ut *justa* solvere, *modò* æquitatem, ut *mez* stultitiæ in tuâ justitiâ aliquid præsidii sit, *Terent.* Modò *DEI* justitiam in peccatis puniendis, *Rom. 1. v. 32.* Quod malè *Phoriniani* negant, *Socinus de Serv. p. 1. C. 1. Ostorod. c. Trad. p. 3. C. 1. Smaltius, aliq.* Modò reſtitutionem & fidelitatem, *Pſal. 11. v. 6. 1. Joh. 1.* Vel hominum obedientiam, studium operum, externam disciplinam, justitiæ præmium, *modò* tropicè idolum justitiæ, Ut *Delphinos justos*, vel signum & systema ejus, ut *Librum de justitiâ & jure*, vel partem ejus, vel habitum ad justia volenda agendaq; inclinantem, idq; vel generaliter, ad omne justum, ut *hic*, vel specialiter, in commutando, &c. Ut *d. 11.* videbitur. Dicitur, vel ut *Juri statio*, vel à vi sistendo, vel *jus sistendo* &c. Et *Justitia legalis*, *universalis obedientia*, *legitima*, *perfecta*, etiam vocatur. Quidam *Pietatem* vocant, ut *Morifanus d. 6. Eth. quæst. 2.* Id *Universale* notat vel multis commune, ut *Prædicabile*, vel multis succurrens, ut *Medicina Universalis*, vel ad multa se extendens eaq; ordinans. Sic *hic Justitia Universalis* dicitur, non genere, specie, aut numero, quæ

singula virtus esset, sed aggregatione ex diversis speciebus constante, in certum respectum ordinatà, & ex eo perfectionem ac denominationem sortiente.

3. *Res ipsa, Justitia Universalis, in reali positione, Definitione, Causis & Effectis, & Diversitate ac Oppositione videnda est. Realis Positio est, quà reverà datur, non tantum cogitatur. Quod patet & artificialiter, quia in Ethicis non absolute tantum & ratione sui homo perficiendus, sed & comparatè cum aliis, ut probitatem & erga alios in conversatione exerceat, & vi legum justè ad publicum bonum eam ordinet. At hoc facit Justitia Universalis. Et inartificialiter, experientià, quà videmus quosdam pro se solitariè probos, sed in conversatione publicà cum aliis non satis legitimè se habere. t. 4. E. aliud virtuosum in se, & aliis talem esse. E. & aliud Justitia Universalis, aliud Virtus particularis: Et testimoniis Philosophorum, ut Aristot. 5. Eth. C. 1. 2. Jac. Martin. C. 3. d. 6. q. 9. Keckerman. Morisani, & aliorum. Quidam generalem Virtutis conditionem eam faciunt, ut Amesius 2. med. c. 2. Rectius Directrix ejus ad obedientiam legum & justè exercendam eam dicitur, non ut prudentia dirigit, d. 4. t. 12. Sed ut habitus leges respiciens.*

4. *Definitio est, Habitus moralis hominem ad obedientiam omnium legum inclinans, & congruè juri ac legibus in societate civili vivere faciens. Habitus, quia operationem faciliat. Moralis, quia ad actum moralem ordinatur. Non specialis aliqua Virtus dicitur, quia à Virtute particulari universali complexione, quia omnes secundum leges in communitate ad publicam salutem ordinat, respectus super Virtutem additione, quà Virtutem ad alium ordinat, ut & erga eum ea exerceatur, unde alienum bonum dici.*

dicitur, 5. *Eth. C. 3.* Cum privatim bonus aliquis esse possit, ut publicè erga alium malus sit, 1. 3. Privatim abstinere, & publicas pecunias depeculari, unde *Cicero in Lel. t. 63.* Quidam, quos parva pecunia movere non potuit, cognoscuntur in magnà: *Et legis observatione differt*, quia ad honestas leges imprimis respicit, cum Virtus honestum absolutè ex dictamine rectæ rationis servare faciat, posito, etiamsi nulla lex extet.

5. *Hominem ad obedientiam legum inclinans*, quia leges respicit, ut jussa earum servantur, prohibita vitentur, inq; eo à Virtute ut sic differt, 1. 4. Unde lex effectum & objectum Justitiæ Univ. est. *D. 6. t. 3. Et congruè juri & legibus in societate civili vivere faciens*, Quia leges de Virtutibus ad bonum commune pertinentibus præcipiunt, inde J. U. leges observans per omnes Virtutis species progreditur, ut quævis justè & decenter ad alium in societate exerceatur. *In societate*, ut respectus ad alium, cum quo versandum, habeatur, non ut una facultas alteri in uno homine obediat, ut voluntas rationi, appetitus voluntati, ut *Plato & Ehemius* volunt, sed ut æqvè inter hominem & hominem procedatur, leges observentur, ordo ad publicum bonum involvatur, ut ejus gratiâ & intuitu per omnium virtutum decursum æqvè cum alio vivatur, ut homo legi actus virtutum ad commune bonum ordinanti concordet, non adversum quid illi ullo modo committatur.

6. *Justinianus Imp. an Universalem, an Particularem Justitiam definierit l. 1. instit. t. 1.* Cum constantem & perpetuam voluntatem Jus suum cuiq; tribuendi dixit, quæri hîc solet? Quidam universalem intellexisse putant, ut *Bachovius l. 1. Instit. t. 1. n. 1. Hunnius T. 1. in Treutt.*

d. 1. q. 6. & T. 1. Var. Res. L. 1. tr. 1. q. 3. Duarenus, Alciatus, Wesenbecius, Heigius, aliiq; ap. Wesenerum, prodr. Jurspr. n. 12. Alii particularem, Treutlerus vol. 1. d. 1. t. 1. Contius, Arumeus, & Donellus ap. Hunnium, Forsterus, Schneidevuius, Corasius, Oldendorpius, ap. Wesen. c. 1. Schikardus d. 1. Instit. t. 1. lit. g. Et verius videtur, si verba, Jus suum cuiq; tribuendi, propriè & accuratè sumi debeant, ut in Definitionibus omninò debent. Aliud n. conformitatem vitæ ad legis præscriptum per se & essentialiter respicere, quod Just. Un. facit, t. 3. 4. Aliud, Jus suum cuiq; secundum præscriptum legis tribuere, quod particularis. Et effectus hic particularis est, Jus cuiusq; in hoc aut illo Casu, quod reddendum. E. & Justitiam particularem hic intelligi oportet. Conformiter ad legem & is vivere potest, qui nullum Jus propriè alteri tribuit. Ut qui Sobriè, castè, mansuetè, fortiter, modestè pro se vivit, nullum Jus alteri propriè tribuit, & citra ullum alterius damnum aut injuriam ebriè, iracundè, timidè, superbè, vivere posset. Sic liberalis alteri ex liberalitate aliquid concedere potest, ad quod nullà speciali Juris obligatione tenetur, ex Iustitià universali aget, sed Jus suum alteri tribuisse non dicetur, quod illi hic ad rem concessam ex Iustitia non competiit. Vigore Liberalitatis enim datum est, non Justitiæ. Et si Un. iustitiam intellexisset, longè atter eam definire oportuisset, t. 4.

7. Per accidens fieri potest, ut Just. Univ. Jus suum alteri tribuat, quà Particularem certo modo includit, & secundum eam in societate vivendum lex etiam præscribit. Sic cum intemperans cum alterius uxore consuescit, injustus est, & marito Jus in uxore habenti injuriam facit, & simul contra leges publicas id vetantes

peccat,

peccat, & universalem justitiam loedit, ac contra eam aliquid committit. Sed ex accidente hoc est, non Naturâ & Essentiâ Justitiæ Universalis. *Et aliud est*, an Justitia Universalis etiam pro fine Jurisprudentiæ esse possit, ut Universale omnium Virtutum secundum leges exercitium requirat, de quo quidam hîc disceptant: *Aliud*, an justitiam Universalem verbis definitionis Imperator complexus sit. Etiam si prius verum esset, posterius tamen inde non sequeretur. *Nec verba, Jus suum cuiq; tribuere, ita latè extendi possunt*, ut & proprium suppositum notent, & virtutem ab homine absolutè pro se solo exercitam comprehendant, ut Temperanter vivere, fortiter agere, patienter tolerare, modestè gerere. Cum *Id cuiq;* alium satis manifestè & proprio significato notet, cum quo versandum, cui id tribui debet, ad quod Jus obtinet, & ni fiat, injuria ei fiat.

8. Si enim sic generaliter sumantur, ex opposito, qui inhonestè vivat, ut avarè, ebrîè, libidinosè, immodestè, injuriam sibi facere dicendus esset, quod significatum vocum & phrasios non admittit. Non enim inhonestas morum injuria Latinis vocatur, nec aliquis in seipsum propriè injurius esse potest, ut benè contra Platonem Aristot. 5. Nicom. C. 15. disputat, cum nemo spontè injuriam patiatur: Inhonestas autem morum spontè ab homine exerceatur. Sed nec istud verum, *Jurisprudentiæ finem universale omnium virtutum exercitium esse*. Ethicæ enim propriè hic finis est, quæ beatitudinem civilem in generali intendit. d. 2. t. 1. Et d. 1. t. 11. Et specialiter Justitiæ universalis in Ethicâ propositæ. t. 3. 4. *Jurisprudentia disciplina Specialis est*, eoq; Speciale Obiectum & finem habere debet, qui Justitia in

Re.

Republ. in specialibus actionibus & casibus servanda est, quorsum ipsa ordinata est. Omnes enim casus Juris, quos ipsa decedit, circa Jus alteritribuendum, & denegatum, versantur, Ut patet. Cum generalia Juris præcepta complecti dicitur, Ut honestè vivere, neminem lædere, ut *Ethica* id facit, non ut Jurisprudencia. *Ethicæ* enim propriè ea principia sunt, quæ honestatem in communi requirit, quibus ad suum finem etiam utitur Jurisprudencia. Et sic ut *Ethicam* junctam habet, ea etiam intendere dici potest.

9. Dices 1. *Tria juris præcepta*, Honestè vivere, Nem. loed. S. C. T. universam virtutem complectuntur. E. & definitio magis ad justitiam universalem secundum ista præcepta flectenda, quàm particularem. R. *Tria ista præcepta* propriè *Ethicæ* sunt, non Jurisprud. 1. 8. Quæ aliquid de *Ethica* decerpit, & pro se tractat, & sic hæc adducit, quæ propriè Notitiæ Naturalis moralis sunt, quæ ad omnes morales disciplinas se extendit. V. de Not. Nat. C. 6. t. 7. Inprimis a. *Ethicam*, unde huic specialiter assignantur. Unde honestè vivere non generaliter de omni virtute, sed specialiter secundum subjectam materiam per relationem unius præcepti ad aliud explicandum, ut honestas justitiæ particulari affinis intelligatur, per l. 9. ff. d. testib. l. 42. ff. d. R. n. 2. *Leges Civiles* de omni genere virtutis præcipiunt, non solà Justitià particulari. Sic quæ fortitudinis, temperantiæ, mansuetudinis, modestiæ, sunt. R. *Hoc faciunt*, ut & *Ethica* aliqua inspergunt ac adducunt, non præcisè Juridica. *Ethicæ* n. munus est, omnem virtutem præscribere, & sic & Just. Univ. Unde & de lege in communi hic agitur, d. 6. Sic & de religione, summâ Trinitate, & fide Catholica

tholica leges in Corp. Juris sunt, *Cod. l. 1. t. 1.* quæ tamen ad objecta *Theologia*, non *jurisprudencia*, propriè pertinent, Et Leges de omni honesto præcipere possunt, quod honestum tamen Ethici fori propriè est. *Ethica* disciplina moralis generalis est, eoq; universum honestum præcipit, & sic & Just. univ. tradit: *Jurisp.* specialis, & honestatem ad Justitiã, quam intendit, ordinat, quâ ex honesto non præstito injuria in alterum redundat, quam ipsa propulsare debet. Sic ex concubitu cum alterius uxore, *t. 7.* E muris non defensis, armis abjectis, fugâ arrepta injuria ad Remp. ex pulsato aut convitiato concive ad civem redundat, eoq; Justitiæ vi talia vindicare intendit *Jurisprud.* Et huc pertinent, quæ *Hunnius T. 1. Var. Res. tr. 1. q. 3.* adducit. Cognata sunt *Ethica* & *Juridica*, & ubi illa definit, hæc incipit, ut *d. cogn. hum. t. 27.* dictum. Non tamen eadem. *V. d. 1. t. 3. seq.*

10. *Causæ ejus* eadem, quæ Virtutis in genere sunt, ut DEUS, Natura, Ratio, Voluntas, Homo agens, *d. 4. t. 10.* Effecta Jura ac Leges sunt. De quibus *d. 6.* *Diversitas est, quâ à Virtute morali in genere, prudentiâ, Just. particulari, Virtutibus homileticis, & pietate in patriam in specie distinguitur. A Virtute morali in genere ratione & formalitate, non totâ essentia realitate differt. Virtus ex se perfectionem subjecti proprii respicit, consequenter boni communis, ut Natura hominis, qui sociale animal, quarundam virtutum, ut fortitudinis bellicæ, magnificentia, & homileticarum virtutum docet, quæ conversationem spectant, & qui honestè pro se vivit, consequenter leges de eo latis contemnere non potest: Just. Univ. primò bonum commune & publicas leges, secundò privatam perfectionem attendit. Univerſa virtus sub Ho-*

nestatis ad publicum usum applicatione & iusta exer-
 citatione spectatur. *Virtus* ad exercitium boni actus
 inclinatur. *Iust. Univ.* in commune bonum redundat, eoq;
 virtutem ordinat. *Virtus*, ut *ἔξῃς, κτήσις*, & absolutè in
 subiecto est: *Justitia*, ut *πράξις, χεῖρις*, & comparatè ad
 leges & publicum statum est. *Virtus* habitus nudus est,
 & bonum pro se facit; *Justitia* habitus in usu ad alios
 exercitus est, & bonum etiam alii ac Reipublicæ facit.
 Sic iniustitia universalis, legum violatio & iniusti ad
 omnes exhibitio est, *c. 13.* Et sic *Arist.* virtutem & *Justi-*
tiam universalem re unum idemq; esse docet. *s. Nicom. c. 3.*
 Quod de eo concedunt *Lessius 2. d. 1. & Jur. C. 2. Stre-*
vesdorff. d. 1. & 1. qv. 57. Bachovius l. 1. Instit. t. 1. aliq.,
 etsi essentiam ejus à virtute diversam *Arist.* dicat. Hic
 enim per esse formalem conceptum & esse rationis in-
 telligit, quod interdum ita vocat, ut exemplis *Hornejus*
3. Eth. c. 11. ostendit, & frustra Contradictionem in ap-
 posito metuit *Timplerus 5. Eth. c. 10. q. 4.*

11. *Quidam* tamen oppositum sentiunt, & *J. U.*
 diversam virtutis speciem faciunt, etsi vi, officio, & effi-
 cacià generalis sit aut esse possit. *Thomas, Molina, So-*
to ap. Hornej. c. l. Valentia T. 3. d. 5. q. 2. Lessius c. l.
Strevesdorf. c. l. & apud illum Bannetz, Arragon, Salon, Mal-
derus, aliq;, *Eustachius S. Pauli P. 3. Eth. tr. 3. d. 2. Sect. 2.*
q. 4. Quorum argumenta *Hornejus c. l.* discutit. Dices 1.
Respectivum ab absoluto realiter differt: *Iust. U.* est respecti-
 vum quid, virtus absolutum. *E. R. Resp.* in formali suo diff.
 ab absoluto realiter, quia ei oppositum, non autè in omni
 materiali sub eo contento. In Deo essentia & Paternitas,
 in Ente essentia & Veritas, Bonitas, Ubietas, tantùm ratio-
 ne differunt, nec ut res & res se habent, nec realè compo-
 sitio.

sitione inferunt. *V. D. Es. alic. f. 1.* Respectus transcendentalis, ut in causa ad causatū, materiā ad materiātū, subjecto ad adjunctū, ratione à causā, materiā, differt. 2. *Sic explicatā* virtute & ipsa patebit, non peculiariter eam explicari opus erit. *R. Non sequitur.* Iste enim respectus quia alicujus momenti, distinctè & specialiter explicandus erit. Sic in Deo Paternitas distinctè explicatur præter essentiam, Bonitas & Ubietas in Ente, *c. l. 3.^a Separari possunt.* E. realiter differunt. *R. N.* Conseq. Calor & Caloris gradus, fervor, separari possunt, essentia humana & subsistentia separantur, ut in Christo, & tamen modaliter tantū differunt, ut res & rei modus, non ut res & nova res. Virtus Communis & Heroica separantur, & gradib. tamen, non totā specie differunt. *d. 14. t. 1.* Plura in discursu.

12. *A Prudentiā* differt, quòd hæc virtutem etiam absolutè & in se, ut norma ad medium dirigat, Just. Univer. in ordine ad aliū, *illa* ad perfectionem subjecti proprii, *hæc* ad alieni, Reipubl. & alios, cum quibus versandum, *illa* mediocritatem & honestum, *hæc* exercitationem virtutis, & ut honestum æqvè erga aliū exerceatur, *illa* virtuosum, *hæc* virtuosè coram alio se gerentem facit, *illa* medium ad circumstantias dirigit, *hæc* ad obedientiam legum, & Justam erga alios pro publicā salute exercitationem, applicat. *A Justitiā particulari* differt, ut totum & generale à parte & speciali. *Illa* circa objectum speciale, bonum externum, *hæc* circa generale, om. virtuosum objectum versatur. *Illa* inter eos est, quorum unus alteri non est obligatus. Unde inter Creatorem & Creaturam, herum & servum, patrem & filium ea non est, quòd unum alteri hic sem-

per obligatum sit. Hæc inter eos, quæ obligationem inferunt. Nam privatus in ordine ad leges publicas agens membrum Communitatis est, cui obligatur. Hactenus ergò & alteri, cum quo versatur, obligatur, ut justè & æqvè cum eo vivat. *Illius* oppositum est externorum iniqua distributio & cummutatio, *hujus παρονομία* & omnium honestarum legum violatio. *t. 13. Ab homineticis virtutibus differt*, quòd illæ speciales virtutes sint, speciale objectum habeant, & inprimis conversationem privatam dirigant, *V. d. 10.* Hæc generalis, generale objectum & societatem publicam, leges & respectum ad eas, involvat. *A pietate*, quia hæc ut effectus ad causam obligat, quia è patria ortum quishabet. Sed. J. V. ut pars ad totum, & membrum ad corpus, obligat, quod majus est. Sic maritus uxori adhæret, & parentes linquit. *Matth. 19. v. 5.* Quia familiæ suæ domesticæ pars, parentum tantum effectus est. *Sic Respublica* in casu præferenda saluti patris, quia civis illius pars, hujus tantum effectus est. Pietas legem innatam respicit, J. V. magis leges in Rep. latas.

13. Oppositum ejus Injustitia universalis, omnium legum, & consequenter virtutum, violatio est, quantum in uno subjecto simul locum habet. *Vitium* enim unum evertit alterum, ut simul in individuo stare non possint. Ut prodigalitas avaritiam, timiditas temeritatem, crudelitas lenitudinem exterminat, ut non crudelis & lentus homo simul esse possit. Nisi fortè alio tempore, ut de uno vitio in alterum declinet, vel *affectu & appetitu* omnia vitia in homine esse possint, non de *facto & actu*. Sic bonas leges everfas velle, ut actu non invertat. Sic *Lysander* universaliter injustus, omniaq; utilitate pensavit. *Erasm.*

l. 1. Apoph. t. 60. 61. Caligula, Sveton, in

Calig. c. 22. 23. seq.

tion
ere
and
re.
li-
tor
are.
oo
Ho-
t si
pe-
-

